

Te Rā Hapū

Te mutunga kē mai o te pai o tō tātou rā hapū i te Rāhina. Anō hoki te pai o ngā tamariki i tae mai ki te kura me ō rātou kākahu e whakatairanga ana i te tae o tō rātou hapū. Ko te kōwhai e mumura mai ana i Te Kotahitanga. Ko Tino Rangatiranga te kākariki e kirihuna ana i te whenua. Ko Mana Māori te kahurangi o Rangnui ki te whenua. Ko te whero i Rangimārie te tae e tūhono nei tātou katoa.

Inā te pārekareka o ngā ngohe i whakaritea e ngā kaiako. I whai wāhi ngā tamariki katoa ki te whakatutuki ngā mahi i roto i te hurihangā mahi.

Katoa, katoa ēnei mahi he whakanui i a Matariki. “Matariki hunga nui. Matariki ahunga nui.”

1. Ko te whakarākei me te tākai pihikete hei koha whakamihi ki tētahi atu mō Matariki.



2. He panga. He wero. He harakoa. He mahitahi. He whamātau i ō mōhiotanga mō Matariki. He Kahoot!



3. Paraoa pūehu + Tote + Tātā + Hinu + Wai mahana + Whakatae kai + Kōritorito = Parāoa Pokepoke Piataata



4. Mā te tuitui whetū e whai pūkenga waihanga, e whai pūkenga kōkōrangī anō hoki.



"Kua kī, kua ngata, kua mākona, kua puta a pīto e."
"Kua tinga te ngārara."

"Peke! Peke! Kia harikoa mai rā! Peke! Peke! Kia āhuareka! Peke! Peke! E te iwi e! Titihawa mai!"



2.4 I runga i tenei whakaaro, kia tere pakari ai te reo o nga tamariki, me whakahaere nga mahi katoa o te kura i roto i te reo Maori. Tae atu ki te hunga kuhu mai ki roto i te kura, me korero Maori katoa, i nga wa katoa

Te Wahanga Tuarua - 11.07.2021

Rāmere	09.07.2021 - 16.07.21				Whakaaturanga Toi: Ngā Tapuwae a-Kupe: He kaupapa matua tēnei mō ngā Wharekura. Nau mai haere mai e te hapori
Rāmere Rahoroi	16—18.08.21				Wānanga Reo: Ko Whaea Karina rātau ko Whaea Pania, ko Matua Leon ngā kaiwhakahaere.

Te Wahanga Tuatoru

Rāhina	26.07.21	6am 7am 9.30am 1pm			Karakia: Te ata hāpara Parakuuhi Pohiri mō ngā whānau hou Ka mutu te kura		
Rātu	03.08.2021	1pm		3pm	ASB: Hakinakina—te kura katoa		
Rātu	10.08.2021	1pm		3pm	ASB: Hakinakina—te kura katoa		
Rātu	17.08.2021	1pm		3pm	ASB: Hakinakina—te kura katoa		
Rāpare	19.08.21	6pm			Kaihautu—ihirangi		
Rāhoroi	21.08.2021	12pm	Mana Kuratahi— Noho tuatahi ki te kura				
Rātapu	22.08.21	3pm					
Rāhina	23.08.21		Rā Kaiako	Wananga reo—Kaimahi			
Rātū	24.08.21	9.30 1pm		Pohiri mō ngā tamariki hou ASB: Hākinakina			
Rāapa	25.08.21	6pm		Hui whānau—ihirangi			
Rāmere	27.08.2021 1	Rā katoa	3pm	Rā Whakaahua o te kura			
Rāhoroi	21.08.2021	12pm	Mana Kuratahi—Noho Tuarua ki te kura				
Rātapu	22.08.21	3pm					

2021 Ngā Tapuwae a-Kupe

Kupe Sites is a touring exhibition developed by Te Papa Tongarewa that celebrates and explores the stories and significant landmarks of Kupe from Northland, Wairarapa, the Wellington region and the top of the South Island.

This free exhibition is currently open to the public at kura from 10 - 16.07.21 between 10am—2pm.

Manuhiri will be hosted by one of Wharekura Tuākana tau 12 students
Rakairoa Campbell, Raurukitahi Fitzgerald or Waimarama Tapiata-Bright.

This is part of our Wharekura Tuākana business launch—Taraika Tours.

Please encourage your whānau and community to come and see the exhibition currently on display.





Te Aho o Whātonga

*Te Aho Matua te kaipaihere i au,
Te Aho Matua te kairangitāmiro.
Ko taku ahuru mō wai ko Te Kura Kaupapa,
ko tōna tāhūhū ko Te Aho Matua e.*

"Mamae poto, reka roa", e whitu ngā wiki te poto o ngā wānanga kapa haka o Te Aho o Whātonga, ahakoa tōnā poto kāore i poto, i roaaaaa ki ngā ākonga. Kaha tā mātau hāere atu ki wī ki wā, nā tēnei ka kaha rongo i te mate moe, mate ngoi, māuiui, aha atu, heoi ko tā Matua Mei Manaia, ko tā Whāea Irihapeti "Mamae poto, reka roa", nā tēnei ka rongo i te ora.

Kei kīia he kūmara ngā kōrero nei, whakaae ana kia noho kūmara mo te hekona kotahi.

Whakapono au i eke tōku kapa ki taumata kē. Whakapono ana au ki te tū tōku kapa hei kapa whakataetae kua kore e rongo i te mutunga mai o te toa, o te whakaihuwaka, o te aho matuatanga.

I mua mai i tā mātau hono atu ki ngā kura aho matua, kāre au i paku pai ki te kapa haka, kāre au i te paku rata te tū ki mua i te aroaro haka atu. Ka mihiā ngā hoa, ngā whanaunga, ngā tītā, ngā parata, ngā kaiwhakaako. Nā rātau au i whakaatu i te ataahua, i te rirerire o tā tātau ao kapa haka.

I tēnei wiki i kaha rongo au i te mokemoke ki tōku kapa Te Aho o Whātonga, ki ōku tītā, ki ōku parata, ki ngā mahi a Hinerēhia a Tāne Rore.

Matua Mei, Whāea Irihapeti, Akus, Wātene, Ngakita, Kōka Manaia, Hākui Zenna-Maria, Hākoro Wharemakō, Whāea Malo, Whāea Sherry, Whāea Melissa, Whāea Erena, Matua Te Hauora - ka mihiā koutou.





Nā tēnei kaupapa kua whai hononga a au ki ētahi atu, ā, he hononga tērā tē taea te motu. He maha ngā painga, ngā hua i puta i tēnei whakakotahitanga. He rite ki ōku pia, ko te whakawhanaunga tētahi hua matua i puta i tēnei kaupapa. Ko tētahi hua mōku ake o te motuhaketanga o tēnei kaupapa - Te Aho Matua. Kua kitea e au i runga i ngā kawepūrongo me te hohonui te whānui o tēnei kaupapa. Poho kereru ana au te kī atu - nōkū tēnei kapa.

Waimarama Tapiata Bright - Tau 12



Mihirangi Kohatu - Tau 9


He pai te ako i raro i te tāhuhu o Te Aho Matua, whakawhānaungatanga, he pai mō mātau iaianei me te reanga kei te heke mai. He rerekē ki tā ngā tau o mua.





Lucaan Chankee Paea - Tau 11

Ko ngā hua ko te ako i ngā waiata hou, te whakawhānaungatanga, te haerere ki ngā wahi rerekē oti noa, marae kē.



Meadow Hussey - Tau 9

Ngā akoranga o tētahi kapa Aho Matua. Ko te wairua hoki o ngā mahi me ngā kaiwhakaako. Waihoki ko te whakahoahoa, te whakawhānaunga ki tangata kē atu.



Leilani Scruton Nepe Apatu - Tau 9

Ko tētahi o ngā painga o te kapa o Te Aho o Whātonga, ko Te Aho Matua. Koia nei taku wā tuatahi tū ai ki tētahi rōopū kapa haka kura tuarua, ā, ko tētahi o ōku tino wawata ko te piri atu ki tētahi kapa Aho Matua. Kāore au i te tino pīrangī te piri atu ki ngā kura aunoa.

I tino harikoa au i te wā i whakamohio mai a Matua Rāwiri i te hono mātou ko Ngā Mokopuna ki a Tāmakinui-a-Rua, Wairarapa me Mana Tamariki. Ko ngā akoranga kātoa i ākona i te Reo Māori, rua rua hoa ngā wā i rāngona mātou ngā tauira i ngā kaiako e kōrero pākeha ana. He nui ngā whēako, ngā akoranga hou i akohia e au, ōtira mātou ki ngā wānanga kātoa. Ko tētahi whēako nui ko te whakawhanaungatanga. I a mātou e kōrero ana mō a mātou "take", i kaha rongo au i te whakawhanaungatanga i puta i a mātou ngā kōtiro. Ahakoa te noho tahi ki ērā kura mō te 7 whiki noa, ki a au, he whānau kē rātou. Ehara i te mea he tangata noa rātou, he whānau. Ko Te Aho o Whātonga tōku whānau whānui.





Rangikawhetui Temara—Tau 11

Ko te mea pai o tēnei kapa o te Aho o Whātonga ko te whakawhānaungatanga o ngā kura Aho Matua. Ki nga wananga i whai ake ki te mahihoa, te mahi ngatahi i roto i tenei kapa. Ko ngā mea i whakaako ahau kia matara te tū, te whakarongo ki ngā mahita.



Raukura Chankee Paea - Tau 10

Ko te whakawhanaungatanga, te ū ki te Reo, te noho ki raro i te maru o Te Aho Matua, te kite i te rerekētanga o tētahi kapa Aho Matua ki ērā atu.



Ko te hono atu ki ngā kura e whai ana, otirā e noho ana ki raro i ngā mātāpono o Te Aho Matua, ko te whakapakari hoki i oku pukenga kapa haka mā te mātaki i āku pia, mā te whakarongo hoki ki ngā pouako.

Raurukitahi Fitzgerald - Tau 12

